

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

فکرانک محاکمات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

تجربیات

طرنوه قضاسی بدایت محکمه سی ریاستی یانیه
ولایتی پولیس سر قومیسری مکتب حقوق شاهانه نک
منتهی صنفندن مخرج عثمان افندی به
قضای مذکور مدعی عمومی معاونلکی ادرنه
ولایتی مرکز بدایت محکمه سی جزا دائره سی باش
کابی علی رضا افندی به
برانه قضاسی بدایت محکمه سی ریاستی قونیه
ولایتی مرکز بدایت محکمه سی سر مستطقی مصطفی
نیازی افندی به تفویض بیورلش ومومی الیهمدن
عثمان افندینک بوراچه علی الاصول امر تحلیفک اجراسی
دردست اولدینی کبی دیگرلرینک ده اجرای تحلیفلی
خصوصی محللرینه تبلیغ و انبا قلمشدر.

تجربیات و تحولات

کوملجنه سنجانغی بدایت محکمه سی مستطقلکنه
کنغری سنجانغی بدایت محکمه سی ضبط کاتب سابق
اسماعیل بهیج بک تعیین اوله رق علی الاصول امر
تحلیفک اجراسی محله تبلیغ قلمشدر.

تبلیغات

دیاب حیدر نام کسنه نک محلی زراعت بانک شعبه سنه
اولان دینه مقابل مرهون اولوب صور قضاسی
بدایت محکمه سی اجرا دائره سنجه موقع مزایده به
قونیلان و اوچ بیک کسور غروش بدل ایله طالی
عهده سنده تقرر ایدرک احاله قطعی سی اجرا قلنان
اراضینک معامله فراغیه سی اجرا اولقمسزین یکرمی
یدی بیک غروش ضم وقوعولش وداین ایله مدیونک
موجب استفاده سی اولان ضایم مذکور نک هنوز
امر فراغک اجراسیله اتمام معامله ایدلامسندن ناشی
قبولی موافق معدلت بولنش اولدیغندن بختله کیفیتک
تدقیقی حقنده امور حقوقیه مدیریتندن اعطا قلنان
هذکره اوزرینه ایجابی انجمن عدلیه جه لدی التذکر

اموال غیر منقوله نک فروختی حقنده کی نظامنامه نک
تدقیق مندرجاتندن منقهم اولدینی اوزره دواثر اجرا-
نیجه موقع مزایده به قونیلان بوکی اراضینک مدت
مزایده سی اولان التمش برکون ختامنده صوک پی
صاحبی نامه موقت قرار داده سی کشیده اولتق و بو
تاریخندن اعتباراً اوتوز برکون ظرفده ضم وقوع
بولدینی حالده قبول اوله رق کیمک عهده سنده تقرر
ایدر ایسه انک اوزرینه احاله قطعی سنک اجراسیله
برابر سند رسمیه سی تنظیم واعطا ایتدیرلک مقتضی
و بویله بالمزایده طالی عهده سنده تقرر ایدرک احاله
قطعی سی اجرا قلنان اموال غیر منقوله نک مدت
مزایده سی ختامندن صکره وقوعوله حق ضمک
قبولیه فسخ احاله پی تجویز ایدر بر اصول ونظام
اولدینی جهتله اراضی مبحوث عنهانک هنوز دائره
عائده سنجه قیدینک تصحیح ایتدیرلماش اولسی یالکیز
دینی تسویه ایله اراضینسی تصرفده ابقا ایچون
مدیونه برحق مراجعت بخش ایتکدن بشقه برحکمی
تضمن ایتیه چکی بدیهی اولوب آنجق قبول ضایمه
مانع اولان احاله قطعی نک تعریفات قانونیه و اصول
متخذه به موافق بولنش و مزایده به مفاير معدلت
معامله قارشامش اولسی کی اساس صحیحه استنادی
امور لازمه دن اوله رق اوراق میاننده بولنان بیروت
مرکز بدایت محکمه سی مدعی عمومی معاوننک
مذکره سنده ایسه اراضی مذکور نک بدل احاله سی
اولان اوچ بیک کسور غروشدرن زیادیه طالی
بولندیغنه سبق ایدن مخابرات رسمیه ایله معلوماتی
حاصل اولمش ایکن انقطاع رغباتندن مقدم احاله
قطعی سنک اجرا قلندینی یولنده جالب نظر دقت بر
فقره مندرج اولمغله برابر بالاخره بدل مذکور
طقوز مثلی نسبتنده ضم وقوعی بوضورتی تأیید ایدر
احوالدن وشوجهت حقنده تحقیقات وتعقیبات لازمه
اجراسنه ابتدار اولدینی مذکره مذکور جمله
مندرجاتندن اولسنه نظراً بوخصوصدن طولای محلی
اجرا دائره سنجه جریان ایدن معامله و علی الخصوص
منادی معرفتله اجراسی لازم کلان مراسم اعلانیه نک

محاکمات و مقررات

محکمه تمیز حقوق دائره سندن اعطا قلنان
۱۴ تشرین اول سنه ۳۱۸ تاریخی اعلامدر:

بغدادک قریه بائی محله سننده مقیم داودتوما ایله
سوق الغزل محله سننده ساکن عبدالکریم توما بینلرنده
متکون دعوایه دائر در سعادت استیناف محکمه سی
تجارت قسمندن ۱۳ مایس سنه ۳۱۸ تاریخ و اوتوز بر
عددی ایله ویریلان اعلام، مزبور داودتوما طرفندن
تمیز ایدلمسکه اعلام مذکور طرفینک اعتراض وجواب
لایحله لریله بالمطالعہ تدقیقات تمیزیه اجراسنه ابتدار
اولندی.

اعلام مذکورک خلاصه مالی: مزبور داودتوما
ایله برادری عبدالکریم توما بینلرنده متکون دعوایه دائر
حکم طرفندن ویریلان و بغداد تجارت محکمه سنجه
تسجیل ایدیلان حکمنامه علیهنده مزبور داودتوما
طرفندن در سعادت استیناف محکمه سی تجارت قسمنه
بالمراجعه استیناف دعوایه قیام وحکم تعیین قلنان
ذاتک مأذونیتی خلافتده اوله رق طرفینک تحکیمنامه
خارجنده کی معامله لرینه دخی اعطای حکم ایتدیکنی
بیان و انبا ایتش ایسه ده طرفینک درجه اولی محکمه
سنه اعطا ایتدکری تحکیمنامه ده ویریه جک حکمک

قابل اعتراض و استیناف اولیامسی مشروط اولسنه بناءً اصول محاکمه حقوقیه قانونسک التمش برنجی ماده سی حکمنه توفیقاً شرط محکمه مغایر اعطاء قاتنان استیناف استداسنک ردینه حکمدن و مستدعی تمیز داود توماسک اشبو حکم علیهنده لایحه سنده محرر اعتراضاتک باشلوجه سی: محکمک حکمی تحکیم اولدینی خصوصاً تده جائز و نافذ اولوب آنلردن بشقسه نه تجاوز اتمیه جکی احکام قانونیه اقتضاسندن اولدینی حالده بوباده حکم تعیین قاتنان ذاتک مآذونیتی خلافتده اعطای حکم ایتدیکی حقتده کرک دبابه و کرکسه استینافاً سبق ایدن اداسنک نظردفته آتامسی مغایر قانون اولدیغندن بختله اعلام استینافینک نقضی و لایحه جوابیه مؤداسی دخی اعتراض مذکورک غیروارد اولدینی بیانیله ردی و اعلام مذکورک تصدیق استدعاسندن عبارتدر.

ایجابی مذاکره اولدوقده اعلام مذکورمندرجانندن منقهم اولدینی اوزره مستدعی تمیز داود توما حکم تعیین قاتنان ذاتک حکم ایتدیکی مواد حقتده حکمه مآذون اولدینی بیان و ادعا ایتکده اولسنه نظراً بوجهت ادعایک تدقیق لازم کالور ایکن استینافاً بوجهتک تدقیق ایدلامسی قانونه مغایر و مستدعی مزبورک اعتراضی وارد و موافق نفس الامر اولدیغنه بناءً اصول محاکمه حقوقیه قانونک ایکی یوز اونوز ایکنجی ماده سی موجبجه اعلام مذکورک نقضنه و قانون مذکورک ایکی یوز قرق دردنجی ماده سنک فقره اولاسی حکمنه توفیقاً کیفیتک اعلامه ربطی ضمننده قسم مذکور عاده سنه و مستدعی تمیز داود توما طرفندن برلیدیکی قیداً اکلاشیلان اوچیوز سکسان سکر بقی غروش مصارف تمیزیه نک ایلروده حقسز جقه جق طرفه عائدینه ۱۴ تشرین اول سنه ۳۱۸ تاریخنده متفقاً قرار ویرلدی.

برمدی قضاسنک زیوه قریه سندن مختار سلیمانی قتل ایلدیکی ادعا قلمسندن طولانی جنایتله اتهام اولنان مصطفی بن یرامک اون بش سنه مدته کورک قونلمسنه دائر اکرری سنجانجی بدایت محکمه سی جزا دائره سندن ایکنجی دفعه اوله رق ویریلان ۲۵۲ نومروی اعلام

مناسترده مقیم برله لی صراف نیقولا قراچیانک مغازه سنده قاصه سنی آلت مخصوصه ایله آچهرق نقد موجودی سرتق ایتلرندن طولانی جنایتله اتهام اولنان سلائیکی میخال ولد طودوری ورفیق شریف ابن احمدک اوچر سنه مدتلرله کورک قونلرینه دائر مناستر ولایتی استیناف محکمه سی جزا دائره سندن ویریلان ۲۴ نومروی اعلام

بروسه لی جومجوم محمدک کیفیت قتلندن طولانی جنایتله اتهام اولنان بروسه نک حاجی سوندک محله سندن سمرجی اوغلی سعیدک اون بش سنه مدته کورک قونلمسنه دائر خداوندکار ولایتی استیناف محکمه سی جزا دائره سندن ویریلان اون بش نومروی اعلام

چرچی درویش محمدک کیفیت قتلندن طولانی اون بش سنه کورک جزاسیله صورت قطعه ده محکوماً محبوس ایکن حبسخانه دن فرار ایلدیکی ادعا سیله جنایتله اتهام اولنان کورکجه طاغ ناحیه سنک چالغق قریه سندن عزت اوغلی محمدک اشبو فرزندناشی دخی بش سنه مدته کورک قونلمسنه دائر خداوندکار ولایتی استیناف محکمه سی جزا دائره سندن ویریلان ۴۳۷ نومروی اعلام

تیره قصبه سنک طراغی محله سندن قصاب حاجی احمدک لیللاً و مسلحاً زقاقده اوکنه کچهرک قنودنی اخذ و غصب ایتدیکی ادعاسیله جنایتله اتهام اولنان قصه مذکورک عرب بیکار محله سندن دکرمانجی محمد اوغلی یحیی وقره حسن اوغلی حسینک اوچر سنه مدته کورک قونلرینه دائر آیدین ولایتی استیناف محکمه سی جزا دائره سندن ویریلان ۳۷۶ نومروی اعلام

دوله قضاسنک ماردن قریه سندن علی اوغلی ممشی جرح و قتل ایلدیکی ادعاسندن طولانی جنایتله اتهام اولنان قوشجفار قریه لی سلیمان بن محمدک اون بش سنه مدته کورک قونلمسنه دائر قیصریه سنجانجی بدایت محکمه سی جزا دائره سندن ویریلان ۱۱۸ نومروی اعلام

آقحصار قضاسنه تابع اوزونجه قریه سی اهالیسندن محمد اوغلی ولی بکی قتل ایتدیکی ادعاسندن طولانی جنایتله اتهام اولنان مقیدسالنک ساز محله سندن رژی قولجیسی حافظ محمد بن محمدک اون بش سنه مدته کورک قونلمسنه دائر صاروخان سنجانجی بدایت محکمه سی جزا دائره سندن ویریلان اتی نومروی اعلام

شروان قضاسنه تابع پولی قریه لی عبود بن بهونک کیفیت قتلندن طولانی جنایتله اتهام اولنان قریه مذکورکلی خالد بن کونوخک اون بش سنه مدته کورک قونلمسنه دائر سعرد سنجانجی بدایت محکمه سی جزا دائره سندن ویریلان ۲۱۷ نومروی اعلام

قلعه جک قضاسنک قوشجه لی قریه سندن محمود بن بکر چاوشک ماده قتلندن طولانی جنایتله اتهام ایدیلن قریه مذکورکلی مصطفی بن امینک اون بش سنه مدته کورک قونلمسنه دائر آقره ولایتی استیناف محکمه سی جزا دائره سندن ایکنجی دفعه اوله رق ویریلان

۱۷۶ نومروی اعلام محکمه تمیز جزا دائره سنجه تصدیق ایدلشد.

۱۹۶ نومروی نسخده مندرج درسعادت جنایت محکمه سی اعلامنک بقیه سی:

بروجه مشروح طرفینک ادعا و مدافعه لرینک استاعندن و بالجله اوراق تحقیقه نک مطالعه و تدقیقندن صکره ایجاب کیفیت مذاکره اولدوقده هر نه قدر مهم توفیق انکار تهمت ایتکده و وکیلی طرفندن دخی برمنوال محرر مدافعه اولدوقده ایلده موقوف طوسونک اوچی سیوری بر آلت قاطعه ایله حصوله کلش صدرینک صول جهت بدنجی مسافه بن الاضلاعی وصول ندی جهت داخلی آلتده بر عدد جرحه و بطنک صاغ قاصیغه قریب محل اوزرنده ده دیگر بر عدد جرحه مشاهده اولدینی و مرقومک اشبو جرح نتیجه سی اوله رق وفات ایلدیکی طبیب راپوریله متحقق اولوب فاعلی حقتده کی اسباب نبوتیه نک تدقیقنه کیریلدکده استماع قاتنان شهوددن مرانوز قوسطی و منساو قوجو و طولومه چی نیازی ایله بوله مدینی جهته افاده سی قرائت ایتدیریلان طولومه چی دیگر نیازینک وقعه کونی مرقومان طوسون ایله مهم توفیق بیننده حمالق اجرئندن متراکم یاره تقسیمی مسئله سندن طولانی وقعه کلان منازعه اوزرینه طوسونک التده کی قامعی ایله مهم مرقومه اوردیغی و مرقوم توفیق دخی حامل بولدینی بیانجی کشیده ایله ایکی دفعه طوسونه صاپلایه رق فرار ایلدیکی مع الیمین اخبار و پولیس عیان افندینک دخی وقعه بی کندوسنه خبر ویرماری اوزرینه جارحی بالتقیب سافر اغاجنده بیشه رک سائرلرک معاوتیله طوندیغی و مرقومک التدن ایدینندن بختله کندوسنه ویردکری بچاقده دم اثری مشاهده ایتدیکی تذکار و مهم توفیقکده منازعه بی اقرار ایللرینه و مقتولک قبل الوقات مضبوط افاده سنده کندوسنی مهم توفیقک جرح ایلدیکی تعیین و بوجهت شاهد محمد طرفندن دخی تبیین قلمسنه و هیچ برکیمسنه کندو جارحنی بر اقوبده آخره اسناد جرم اتمیه جکی ظاهر و عیان بولسنه و مذکور بچاغک اوچی سیوری و بر قاریش بیوکلکندن بولنسنندن ناشی آلات جارحه و قاتله دن کورنسنه وضابطه عدلیه تقریری مندرجاتی دخی اخبارات و ادعای واقعی مؤید اولسنه و مدافعات نقل کلام اولدوقده شهودک بعدالتد کیه شهادتینک قبول و عدم قبولی حقتده جزاجه بر ماده قانونیه بولندینی کی شهادتک قسم ایله تأمین ایدلمسنه و شهود مرقومه نک شهادتلی علی الدرجات وقوعولسندن

ناشی شهادتلی استقاط ایدجک برکونه احوال مشاهده قلنه مامسنه و جله شهادتدن استنتاج اولدیغنه کورده مقتول ضربی ترک ایتدکن صکره منتهی جرحه جرأت ایتسندن ناشی مقابله یه محل قالماش اولدیغنک اکلاشلمسنه منی مهم توفیقک افکار و تأویلاتی و احوال مسروده یه قارشو وکیلک مدافعاتی غیر مقبول و الحاصل مهم مرقومک اوچیوز اون یدی سنه سی مایلسنک یکرری ایکنجی صالی کونی ساعت سکر بقی راده لرنده فری قریه سنده قسطنطین زقاعنده آراهیجی نجیب افانک خریق طولومه لرینه مخصوص قهوه خانه سنده طوسونی من غیر تعمد بچاق ایله جرح و قتل ایلدیکی مرتبه نبوتیه موصول اولغله اولوجهله مجرمینه اتفاق آرا ایله قرار ویریلرک محاکمه اوله سنه عودتله قرار مذکور علناً قرائت و تفهیم اولدوقده معاون موسی ایله مجرمینه قرار ویریلان توفیقک قانون جزانک یوز تیش دردنجی ماده سنک فقره اولاسنه توفیقاً تعیین جزاسنی طلب و ادعا و وکیل سینی بک ایله مرقوم توفیق دخی بر دیه جکلری اولدیغی انبا ایتلرله بوجهت حقتده کی محاکمه نک دخی اختتامی تفهیم اوله رق تکرار مذاکره اوله سنه کیدلدی.

جهت جزایشه حقتده دخی مذاکره کیفیت اولدوقده مجرمیتی قرار آلتله آلتان توفیقک فعل و حرکی قانون جزانک یوز تیش دردنجی ماده سنک فقره اولاسنه موافق و فقره مذکور: «برکیمسه من غیر تعمد بر شخصی اتلاف ایتش ایسه اون بش سنه مدته کورک وضع اولنور» عیاره سنی ناطق اولدیغنه منی مجرم توفیقک اشبو فقره قانونیه حکمنه توفیقاً وابستدای توفیق اولان اوچیوز اون طقوز سنه سی صفرینک اون سکرنجی کوندن اعتباراً اون بش سنه مدته کورک قونلمسنه و اعلام وضبط واستطاق خرجاری اولان جمعاً یوز الی غروشک دخی مرقومدن تحصیلیه عدلیه وزنه سنه تسلیم ایتدیرلسته اوچیوز اون سکر سنه سی تموزینک اوچنجی کونی متفقاً قرار ویریلرک اصول تفهیمی اجرا قلندی.

بلاطده موسوی خسته خانه سی اوکنده آصنی قتل ایتدکری ادعاسیله مهم بولنان حسین و کاظم حق لرنده اجرا قاتنان محاکمه نتیجه سنده بولنردن حسینک کاظمک معاوتیله آصنی قتل ایلدیکی شاهد لرنک شهاداتی و دلائل و امادات و معاینه راپوری مندرجاتی ایله ثابت اولدیغندن اولوجهله مجرمیتلرینه و حسینک قانون جزانک یوز تیش دردنجی ماده سنک فقره اولاسنه توفیقاً اون بش و کاظمک

دخی قانون مزبورک یوز تیش بشنجی ماده سنه تطبیقاً بش سنه مدته کورک قونلرینه ۷ اغستوس سنه ۱۳۱۹ تاریخنده محکمه جنایتجه قرار ویرلشد.

شیشلیده غازیوچی یورکینک اچمنی سرتق ایدن غارسون عکسینک اوچ آی حبسنه و ختام مدتنده ضابطه جه کفالتله رطنه و مسروق اوچیوز غروشک دخی بالتحصیل یورکی یه اعطاسنه قونلوقی اسماعیلی دولاندیردینی ثابت اولان قاسم باشاده کوچک پسالده قهوه چی محمدک اوچ آی حبسنه و دولاندیرمش اولدینی تیش اوچ غروشک تحصیلیه برابر برلیرا دخی جزای نقدی اخذینه اجرای مأموریت حالنده پولیس چاوشی حسین افندی یه حقاتر ایدن پاپاس کوپر بسنده ساکنه ایتالیالی ادره تینی قادیسندن بر بقیق لیرا جزای نقدی اخذینه

اجرای مأموریت حالنده پولیس قومیسری جمال افندی ضرب ایدن جبالی اسکله سنده بارکیر حالی ابراهیمک آلتی آی حبسنه ورفیق محمدعلیدن بر لیرا جزای نقدی آلتسنه

خرستوبی ضرب ایدن اخلامور دره سنده ساکن نیقو نام شخصک برهفته حبسنه

سیویل پولیس مأموری اسماعیل افندی یی اجرای وظیفه حالنده تخیر ایدن آشیجی مصطفادن بر لیرا جزای نقدی آلتسنه

ایوبده ساکن حسن ثابتک محمد امین افندی یه اطاله لسان ایلدیکی ثابت اولدیغندن یارم لیرا جزای نقدی اخذینه

آرشاقک دکانندن اشیا سرتق و تحته قلعه موقعنده مستخدم پولیس الهامی افندی یه اجرای وظیفه حالنده تشهر سلاح ایله بر ارجرحه جرأت ایلدکری ثابت اولان حده خانه دن مطرود جیل ورفیق اسماعیلک بر بقیق سنه مدتلرله حبسلرینه

بقال بدوسه اطاله لسان ایدن سیفاره چی قوچونک ایکی کون حبسنه

پارمق قپوده قوندیره چی میقائیلک آلتون قوردونی سرتق ایدن خدمتکاری واهانک آلتی آی حبسنه و موجود و محفوظ اولدینی بیان اولنان قوردونک دخی مرقوم میقاله عاده سنه طوبقپوده ساکن قال اسماعیل افانک لیللاً اشیا سی سرتق ایدن ادره قبولی کراسته چی طودوزینک آلتی آی حبسنه

چقور چشمه ده پشته لیلی خاندنه ساکن مصطفای ضرب ایدن دولکر یورکیدن بر لیرا الهه رق مضروب

اعطاسنه و مرقومه اطاله لسان ایدن مصطفانک دخی یکرری درت ساعت حبسنه

قازلی چشمه ده ساکن دباغ دیمتری جرح ایدن ماجینلی زکریانک اون بش کون حبسنه

اوسکی قادیبه اطاله لسان ایدن کدک باشاده ساکن مکتب معلملرندن پرواند افندیکن ایکی لیرا جزای نقدی اخذینه

چورابچی سلائیکی مصطفی بن محمدک قاضی کوبلی حسنک اشیا سی سرتق و پولیس احمد افندی یه حقاتر ایلدیکی ثابت اولدیغندن اوچ بقیق آی حبسنه و ختام مدتنده ضابطه جه کفالتله رطنه

قاضی کوبنده یل دکرماننده ساکن خانجی خلیل ابراهیمک حمدی افندی ضرب ایلدیکی ثابت اولدیغندن اون کون حبسنه

پولیس قومیسری قدری افندینک یورکی یه اطاله لسان ایلدیکی ثابت اولدیغندن ایکی لیرا جزای نقدی اخذینه

خریوتلی محمد افندینک سیزه چی قره بی جرح ایلدیکی ثابت اولدیغندن اون کون حبسیله برابر مر قومدن بر لیرا دخی الهه رق قره بیه اعطاسنه

مریم و آورام وراشیله اطاله لسان ایدن قهوه چی طودوری و برادری پانده لی ایله چاقرعلقودن یارمشر لیرا جزای نقدی اخذینه

ملازم محمد نظیف افندی یه اطاله لسان ایدن ادره قپوسنده ساکنه زهرا خاتمدن بر لیرا جزای نقدی آلتسنه

چاوش باشی خاندنده ساکن قاقچی خلیلک چرکشلی قاقچی احمدی ضرب ایلدیکی ثابت اولدیغندن اون کون حبسنه

بالنازعه یکدیگری ضرب ایلدکری ثابت اولان قاضی کوی آراهه جیلرندن احمد افانک اون کون و علی افندینک برهفته مدتلرله حبسلرینه

قاممقام اسماعیل حق بکک کوشکندن بر عدد الماس یوزوک سرتق ایدن عایشه نام دیگر فاطمه نک تاریخ توقیفندن بالا اعتبار اوچ آی حبسنه

سودلیجه ده ساکنه کامله خانمک هاجر خامی ضرب ایلدیکی و مزبورکده هاجر خانمک جاملرینی قیردینی ثابت اولدیغندن کامله خانمک برهفته حبسنه و هاجر خاندن اون بشلک جزای نقدی آلتسنه درسعادت، بک اوغلی واسکدار بدایت محکمه لری جزا دائره لرجه قرار ویرلشد.

مجازات نذاییه

سهاو قضاسی نای و بدایت محکمه سی رئیس

ابراهيم فخر الدين و محكمه مذكوره اعضا سندن مستنطق امين اقديلرك مخالف اصول وقانون معاملات جراتلري خداوندكار ولايتي عدليه مفتشلكندن كوندريلان اوراق تحقيقه مندرجانشدن مستبان اوله رق رئيس ومستنطق مومي الهمسانك محاكمه آلتنه آلتلرينه عدليه نظارت جليله سندن مأذونيت ويريله رك محلي استيناف محكمه سي مدعي عموميلكنه تبليغات مقتضيه اجرا وطرف عالي مشيختناهي يده معلومات اعطا قلمشدر.

الاعلانات

در سعادت استيناف مدعي عموميلكنه :

بيك اوچيوز اون يدي سنه سي شباطنك طقوزنجي كيجه سي اتمكجي سليمان اغانك فرونه كبره رك معلوم المقدار اچمه و ماه مذكورك اواسطنده ليلا قاسم باشاده برخانه دخول ايله اون ليلا سرقت ايدن واوچيوز اون سكر سنه سي ميسنك يكرمي بشنجي كيجه سي غلطه ده طاش خنده قهوه جي محمد اغانك دكاننده اقباع ايديلان سرقت افعالنده ذيمدخل اولان صالح و كل سليمان حال وصفتلريني بيله رك يتاقلق ايتديكي ادعاسيله مظنون عليه اولوب غير موقوف بولنان قيصه بويلى قاره قاش و كوز و بيقلى وصاچلى و مطروش چكهلى و قورى يوزلى ايكي بجاجي معلول قرق ياشنده اوچ سنه دنبرو استانبولده اولوب ايكي سنه ني متجاوز برمدنبرو خاصكويده قلفات يرنده قهوه خانه ده قهوه جيلك ايدن ابانه لي جيم مصطفى اوغلى طويال حسين بن ابراهيمك اصول محاكات جزائيه قانوننك مواد مخصوصه سي احكامنه توفيقاً در سعادت جنابيت محكمه سنده جنجه ايله لزوم محاكمه لرينه قرار ويريلانلرله برلكده محاكمه سي اجرا قلمق اوزره قانون جزانك ايكيوز اوتوزنجي ماده سي ذيلنك فقره ثانيه سي موجبجه جنسايتله اتهامه قرار ويرليكنندن متهم مرقومك هر زرده كوريلورسه طوتيلوب محكمه مذكوره توقيفخانه سنه تسليمي لازم كله چكي بالجه ضابطه عدليه مأمورلرينك معلومى اولمق اوزره اشبو اخذ و گرفت مذكوره سي در سعادت هيئت اتهاميه سندن بالتظيم اعطا قلندى .

طهرانده واقع ايسودا بانقه سندن وقوعبولان سرقتده مدخلدار ايدوكى ادعاسيله مظنون عليه اولوب غير موقوف بولنان اوزون بويلى آچيق آلتى قاره قاش و كوزلى چكه برونلى قاره بيق و صقاللى وعن اصل ارضروملى اولوب قونديره جيلق ايدن تبعه دولت عليه دن يكرمي سكر ياشنده ستراق بغده صاربان

ولد بغده صارك اصول محاكات جزائيه قانوننك مواد مخصوصه سي احكامنه توفيقاً در سعادت جنابيت محكمه سنده محاكمه سي اجرا قلمق اوزره قانون جزانك ايكيوز اوتوزنجي ماده سي علاوه سنك عطفيله ايكيوز يكرمنجي ماده سي موجبجه جنسايتله اتهامه قرار ويرليكنندن متهم مرقومك محكمه مذكوره توقيف خانه سنه تسليمي لازم كله چكي بالجه ضابطه عدليه مأمورلرينك معلومى اولمق اوزره اشبو اخذ و گرفت مذكوره سي در سعادت هيئت اتهاميه سندن بالتظيم اعطا قلندى .

در سعادت جنابيت محكمه سنده :

اوچيوز اون طقوز سنه سي ميسنك يكرمي سكرنجي چهارشنبه كيجه سي كوچك چكمجه قضاسي داخلنده كائن ويدوس قريه سنده كال بن راسمي جرح و قتل ايلديكي ادعاسيله متهم اولوب مذكور قريه ده اقامت ايتكده ايكن فرار ايدن اورته بويلى قمرال صاچ و قاش و بيقلى الا كوزلى متناسب اغزلى دوز آلتى بغداى بكزلى يكرمي التى ياشنده ثروت بن خالد الده ايديله ماش اولديغندن محكمه يه كلسي ايجون جانب رياستدن مرقومه تاريخندن اعتباراً مجدداً اون كون مهل اعطا قلمشدر مهل معين ظرفنده كلدكي حالده قانونه اطاعت ايتماش نظريله باقيه رق حقوق مدنيه دن اسقاط قلنه جنى و عليهنده دعوايه قيام اولنه جنى و بوصره ده بركونه ادعايه حقى اوله ميه جنى و اموالى حيز آلتنه آلتنه جنى و بالجه ضابطه عدليه مأمورلرينك كندوسنى طومغه مجبور بولندقلرى امرى اعطا و معاملات حيزيه حقنده دخى مدعي عموميلكه تبليغات مقتضيه اجرا ايلديكي جهته اصول محاكات جزائيه قانوننك اوچيوز تيش برنجي واوچيوز تيش ايكنجي ماده لرندن استنباط اولنان احكامه توفيقاً تنظيم اولنان اشبو قرارنامه اعلان اولنور .

تجارت بحريه محكمه سنده :

بك اوغلنده تونل جوارنده صوفيه زقاغنده يكرمي التى نومرولى آپارتمانده مقيم ترزى آندون دانعاليانك ۲۱ حزينان سنه ۳۱۹ تاريخندن اعتباراً اعلان افلاسنه و مصالح افلاسيه نك رؤيت وتسويه سي ضمنده اعضاى محكمه دن سعادتو جلال الدين بكك ژور قوميسر و دعوى و كيللرندن نجيب واونيك اقبان اقديلرك موقت سنديك تعيينلرينه و مغازه سيله اشباى زائده بيتيه سنك تمهيريته و اوراق ودفاترينك جلبنه و كفالت ارانه ايدنه من ايسه حبس

و توقيفنه و بوبابده كي قرارك موقه اجرا سنه محكمه تجارت بحريه جه قرار ويرلش اولديغندن قانوننامه تجارتك ۱۷۰ نجى ماده سي موجبجه دائمي سنديكر انتخاب اولمق اوزره (۶ ايلول سنه ۳۱۹) جمعه ايرتسى كوني ساعت يدي راده لرنده اصحاب مطلوبك محكمه مذكوره نك افلاس او طه سنه كللى لزومى اعلان اولنور .

ايلنجى تجارت محكمه سنده :

بك اوغلنده فرانسه سفارتخانه سي قارشوسنده اجزاجى چيماز زقاغنده نومروسز دكانده مقيان بقال اندريا ايله باولى خاچى اغايونك ۲۱ اغستوس سنه ۳۱۹ تاريخندن اعتباراً اعلان افلاسنه و مصالح افلاسيه نك رؤيت وتسويه سي ضمنده اعضاى محكمه دن سعادتو جيل بكك ژور قوميسر و دعوى و كيللرندن بدوساكي كريا كيدي اقدينك موقت سنديك تعيينلرينه و مغازه سيله اشباى زائده بيتيه لرينك تمهيريته و اوراق ودفاترينك جلبنه و كفالت معتبره ارانه ايله مدكلى تقديرده حبس و توقيفلرينه و بوبابده كي قرارك موقه اجرا سنه ايكنجي تجارت محكمه سندن قرار ويرلش اولديغندن قانوننامه تجارتك يوز تيشنجي ماده سي موجبجه دائمي سنديكر انتخاب اولمق اوزره بيك اوچيوز اون طقوز سنه سي ايلونك التجي جمعه ايرتسى كوني ساعت التى راده لرنده اصحاب مطلوبك محكمه مذكوره نك افلاس او طه سنه كللى لزومى اعلان اولنور .

بشكطاشده مقيم بكك تجارتدن كرقور و سركرن اغالر طرفندن مقدما باغچه قوشنده طاش خنده ساكن ايكن اليوم اقامتگاهى مجهول بولنان تجارندن قصاب اوغلى انسطاش ولد سيميون عليهنده در سعادت ايكنجي تجارت محكمه سنده اقامه ايديلان يوز ليلا مطلوبات دعواسى اشبو اوچيوز اون طقوز سنه سي ايلونك التجي جمعه ايرتسى كوني ساعت التيه فصل ورؤيت اولنه جغندن يوم و وقت مزبورده مدعي عليه مرقوم انسطاشك بالذات محكمه مذكوره ده حاضر بولنسي و ياخود مصدق سنده بر وكيل كوندرمى لازم كله چكي و شايد كلز و وكيل كوندرمى ايسه حقنده معامله غيايه اجرا قلنه جنى معلوم اولمق اوزره تنظيم اولنان دعوتيه ورقه سي محكمه نك ديوانخانه سنه تعليق اولنديكى كبي اوراق حوادث واسطه سيله دخى اعلاننه ابتدار قلندى .